



Ringišpil od fiktivnih računa

Akciju provode **SIPA** i UIO BiH, uz podršku kantonalnih i MUP-a RS-a

Policijski službenici **SIPA** prekjučer su počeli provođenje akcije Ringišpil, po naredbama Suda BiH i Tužilaštva BiH, a saradnji sa službenicima UIO BiH, te MUP-ova SBK-a, ZHK-a, ZDK-a i MUP-a RS-a. Kako nam je kazao port-parol UIO Ratko Kovačević, **SIPA** je u srijedu uhapsila dva lica, od kojih se jedno dovodi u vezu s ovom akcijom.

- Prema prvim rezultatima, danas je uhapšeno jedno lice iz Vojkovića, oduzeto je 15 pečata fiktivnih firmi i izuzeta određena dokumentacija. Aktivnosti su rezultat višemjesečnog rada UIO, koja je zajedno sa SIPA prikupila dokaze za određena lica koja pripadaju organizovanoj kriminalnoj grupi. Grupa je prevarama u oblasti propisa koji regulišu postupke indirektnog oporezivanja u BiH ostvarila višemilionske utaje PDV-a, kroz tzv. lizing-prevare, prevare osiguranja, promet dobara na crno (duvan - u listu i sječeni, otpadno željezo), "maskiranje" stvarnog prometa razduživanjem dobara na fiktivna pravna lica, korištenje ulaznog poreza iskazivanjem nabavki od fiktivnih pravnih lica, (fiktivan promet), iskazivanje fiktivnih usluga i slično, kazao nam je jučer Kovačević.

Iz **SIPA** su istakli da su u srijedu uhapsili dva lica od kojih je jedno državljaniin Srbije, a drugo BiH i izvršili pretese na dvije lokacije. Sumnja se da su ta lica počinila neovlašten promet oružjem i vojnom opremom. Prilikom pretresa, pronađene su i privremeno oduzete dvije automatske puške, sa dva okvira i pripadajućom municijom, namijenjene za krijumčarenje u EU.

- Juče su u Kiseljaku izvršeni pretesi na pet lokacija i slobode lišena dva lica, zbog postojanja osnova sumnje da su počinila organizovani kriminal u vezi s: poreska utaja ili prevara, zloupotreba osiguranja, prevara u privrednom poslovanju, krivotvorenje, falsifikovanje ili uništavanje poslovnih ili trgovačkih knjiga ili isprava, pranje novca..., čime su oštećeni budžet BiH i druga pravna lica za višemilionski iznos. Aktivnosti su nastavljene i danas. Izvršeni su pretesi objekata u Visokom, ns Palama, Istočnoj Ilidži i Ljubuškom, a prostorije SIPA pozvan je veći broj osumnjičenih, od kojih je 15 lišeno slobode. Pronađeni su i privremeno oduzeti oružje, dokumentacija, vozila vrijedna više od milion KM, kao i drugi predmeti koji mogu poslužiti kao dokazi, naveli su iz **SIPA**.



Postupajući tužilac uputio je prijedlog za određivanje pritvora za dvojicu osumnjičenih, dok će se o statusu ostalih odlučiti nakon njihovog ispitivanja.

J. M.